

GOSPEL TANGKOU

(Gospel Herald)

Issue No. 3

Volume : XXXV

May

2021



2021 KUM THUPI

“KHRIST ADIA HINKHUO LAMDANG NGAM...”

Rom 12:2

EDITOR:

Rt. Rev. Dr. S.K MANLUN

Bishop

Gospel Tangkou May 2021

EDITORIAL BOARD

Founding Editor:

Rev. M. Hauzalian
Mobile No - 9862736491
E-mail : eimithumpawl@gmail.com

Editor:

Rt. Rev. Dr. S.K. Manlun
Mobile No - +91 9612152332
E-mail : melchqtrs@gmail.com

Joint Editor:

Rev. Nengkhanlal Milun,
Director of Ministries
Mobile No- +91 6009924646

Managing Editor:

Rev. Kamminthang,
Director of Missions
Mobile No- +91 9612281530

Contributing Editor:

1. Rev. Dr. Hangminthang
Mobile No. +919612997858
2. Rev. Thangliankham
Mobile No. +9862830905
3. Pastor T. Chinlunmang
Mobile No. +91 7630854610
4. Pastor Kamneithang
Mobile No. +91 8974609177
5. Divisional Superintendent teng

Design & Setting:

Mr. Khamkhanhau
Mobile No. +918974955366
E-mail : munluohaupu@gmail.com

Circulation Manager:

1. H. Khaikhogin
Mobile No - +919862133422
2. Dongzakam
Mobile No. +919612198903

A SUNG A THU UMTE

Editorial	1
Setan Kipatna Thubul	2
Novel Corona Virus...	4
Neguna, Taguna leh ...	8
Milim Biehna	11
Khristian Innkuan...	16
Itna toh Khangtou vai...	19
Jesu losam ngaisih	20
Gingtute leh Covid-19	22
Pua nanlei zong...	24
Namin bang e?	26

Patron Member ₹.2000/-
Kum khat lah man:
Khut ah - ₹.200/-
Dah ah - ₹.250/-

Article zousie Editor kunga pieh ding; ahilouleh, e-mail in
melchqtrs@gmail.com leh **WhatsApp** tungtawn in a piehthei ding hi.
Tualeh, a lahman Circulation Manager kunga pieh ding ahi.

Editorial laikung pan



I Mangpa Jesu Khrist apat hamuanna na bon ua tung ah umta hen. Tulai natna hi covid-19 2nd wave ahat mama a, hattuom mi it leh ngai bangja e khat in hingpeisan tahi. Tami natna toh hing khawm in ium ua, bangchih Chiang bangchi ding ithei zousih uhi. Pasion hoina in hing umpi in kumbul apat in Kumkim June hatan melmu thei a hing koi Mangpa min iphat uhi.

Laisiangthou Isaiah 48:17
“Mangpa nou hing tanpa Isreal Mi Siengthoupa’n tambang in agen h; Kei Mangpa na Pasion, na phattuomna dinga nangma hing hilpa leh, napeina ding lampi a hing zawpipa ka hi” Mangpa khu eite phattuomna ding a lam hing pe pa ahia, tua leh iphattuomna ding a lampi hinghil pa leh ipeina chinteng a hing taisan mailou a hing zawpipa jong ahi zing hi. Belampu in Belamte a pui ding a, hinan leh Belamte niteng a bang hampa aneh ding uh e chi athei sih uhi. I hinkhuo a niteng a isil tuoh ah iki pah chieng in Pasion jong aki pah hi. Va te (birds) bang a zalentah a lengsang a ahing siempa phatna lungkham lou a sa (sing) ding in ahing dei hi. Eite kung a ahing phut silkhat mai a um hi, tua khu koi jong Pasion kung a kipah tah a kipekhie mi in deitelna dihlou a bawl ngaisih ding a, a deitelna khu a dihpen ahi ding hi. Tua jieh in tambang hun hasa kawmkal eima chit man leh hoiman a bit hilou ihi man un Mangpa kung ah

kipumpieh vai. Tambang hun hamsa ah Pasion thuchiem muonhuai eite hing inei uhi. Jacob 1:5 Na lah uah koipu in pilna atahsap leh mi zousie kunga itlou leh house lou a pepa Pasionkung ah ngen heh, tuachi’n a kungah pieh ahi ding hi achi mabang in Pasion kung itahsap ingen ding uhi, idam theine ding ingen ding ua, ibitna ding ingen ding uhi. Ama gingla hetlou in, gingta tah in ngen vai. Etsah na in Pasion in Isreal te apui dan a lamdang a, Suun in meipi zan in meikuong in apui hi. Tami etsahna khu tu 21st century a jong gingtute pui ding in Hagau Siengthou khu nempi in aki ching kengkung etsahna ahi (Ex.30:21-22;14:19-24) La phuottu pa’n “Aman hingpui Aman hingpui asimthupha Van lungmuonna, a guolzawlina simthu Van lungmuonna” chi ahi mabang in eite jong tambang hun hamsa ah Asimthupha toh lungmuong in ium ding ahi.

Simtute jousie Pasion in hing guolzawl chietta hen.

SETAN KIPATNA THUBUL

~ Evan. D. Ginpu

Setan kichi Pasion kibatpi ahi a, Melmapa zong ahi. Setan in Pasion Lalgam pulam ah doudalpa ahina zong deikhop lou in Pasion leenggam sung ah lut in na zong asem hi. Doudalpa ahina khu Pasion Leenggam pawlam melmapa china ahi.

A. V A N S A W L T A H
TUNGNUNG PEN BUKIM LEH
ZATATHUAI CHERUBIM PASIAN
IN ABAWL Setan pen
Vansawltah Pasion khat suoh
leitung kisiam masang a
bawlwaw ahita (Job 38:4-7)
Pasion in leitung kingahna ding
abawl lai in Pasion tate
(Vansawltah te) kipah in na
kikou uh chi hi. Tammi'n a hing
hilchet mama khat khu ahileh
Pasion in leitung abawl masang
in Vansawltah te bawl jouta chi
ginla na ding omlou in ahing hil
chien mama hi. Ezekiel 28 i sim
kia leh Setan kichi Vansawltah
khat maimai hilou in
tungnungpen ahidan pen thei
in om thei hi. Ezekiel 28:12-14
sungah Pasion in hichin ana gen
hi. Mihing tapa aw, Hoi buching
leh pil na adim, kilawmna chin
teng Pasion huan Eden ah na
teng a, suangmantam chinteng
in na kijem a, Sardi, topas suang
leh Diamon, Beril, Onik, Jaspas
sapphir leh dangka eng abawl
nang kisiam ni a nangma hing

veng ding a Sathau siangthou
nusa cherub khat kungah ka
hing om sah hi. Pasion mual
siengthou a um na hia, mei
kuang bang a vah sengsong
suangtung a vah koi koi na hi.
Tam laisienthou in leitung
kisiem masanga setan dinmun
leh a hina ana gen hi. Tang 13 a
Pasion huan Eden gen hilou in,
Pasion tang siengthou suang
mantam chin teng kimna. Setan
tenna mun gen ana hi zaw hi.
Tam suang mantam chinteng
kimna mun ahi. Ezekiel 28; 14 a
gen pen khu nidanglai a miten
tumgin ki chite Kumpite
pahtawinan ana zang ua,
tammi'n a hing etsah nuam
ahileh Setan khu leitung leh
huikhuo a Kumpipa akibawl
ahidan a ensah hi. Tuat zieh a
Jesu'n setan khu leitung
leengpa ana chi hi. (Joh 12:31)
Sawltah Paul in zong huikhuo a
thu neipa ana chi hi. (Ephesa
2:2) Tam thu khu Luk 4:5-6 ah
zong ahil chetna imu hi. Setan
in leitung pumpi thu neina pieh

Gospel Tangkou May 2021

ahi dan agen a, Jesu kungah, Jesu tam setan kithupisah na thu ana niel kei a, adam hun a tam miel thuneina pieh ana hikha ding hi. Hinanleh Jesu'n Mangpa na Pasion khu na biah ding ahi chi'n ana dawng hi. Tam Vansawltah tungnungpen dinmun sang mama ana hi ding a Mikael Vansawltah tungnung dang khat in lengvai ana hawm khum theilou ahi dinga (Jud 9; Daniel 10:13) Setan dinmun pen sangzaw ana hikha ding hi. Tuaziehin Setan pen Vansawltah tungnungte lah ah sangpen ahi dan ding ahing ngaituah sah hi. Eze 28:14 ah nang ching mi Cherub Sathau nu na hi achi hi. Van mun a Pasion biahna maitam a nasemtu dinmun ahi kha ding (Ezek. 25:20 Kih. 11:19) Pasion sebang a atang siengthou a om ding a thaunu a ompa ahi. Setan Pasion apat hel amelma asuah masang in Vansawltah tungnungpen leh Pasion toh kinai pen ahi dan ang musah hi. (Eze 10:20) Ezekiel in agen cherub ganhing 4 leh kilahna laibu in agen gan hing 4 te kibang ahi (Eze 1:10 leh Kil 4:7) Setan Pasion melma asuoh masang in ganhing 4 te lamkai lian hi na toh lamkai a Pasion biehna thupitah nei dinga se ahi. Tuomi dinga thaunu a om

ahi man in Siampu hina zong pieh khawm in aom ngei ding hi.

B. PASIAN IN VANSAWLTAH VAH A ABAWL:

Isai 14:12 ah Sun ahiei Zing lamtapa chin ana kigen a, Lucifer china ahi. Ahsi teng teng lamkaipa sun Ahsi ana kichi hi. Tuomabangin sun ahsi chi a ompa lucifer jong Vansawltah teng teng lamkai pa china ahi. ahina dang zinglam tapa chi ahileh zing kal khovah hing puoh masa pa zingsol ahsi ahi mabang in Lucifer zong aom masapen ahi dan a gen hi. Setan kipatna bultah tah genchet hasa mama leh lamdang khat ahi. Ama a tung in Pasion thaunil cherub Ama toh kinai pen pen dinga siam, Pasion sil siamte lah ah zong dinmun sang pen pen pieh a om ahi. Aman Kumpi hi na anei kei a, hina leh siampu hina anei hi. Pasion dou a helna apat apan in adin mun leh ahina teng teng lah khietsah ahi. Tu hun in Pasion in eite a hing tel a, Siampu leh Kumpipa te hi dingin Setan din mun leh ahina heng khe dingin Pasion pahtoi dingin ahing telta hi.

SETAN, IT LOUNA LOH
TAH ABAN UM NALAITE HUN
KHAT AH ZOP KIA VAI.

NOVEL CORONA VIRUS (COVID-19) *leh* **KHRISTIANTE**

~ Pastor Khup Do Khen

Sap ham a **Pandemic** ichi chiengin, leitung pumpi huop a natna hii leng, suhdam thei lou leh nan guol lou china ahi hi. Tuajiehin tulai tah a Leitung niingli huopsuoh a natna hii leng suhdam theilou pen Novel Corona Virus (COVID-19) aki chi hi. Bangteng hi leh tambang a Aah puul, gan puul hilou a, mi puul natnate, suhgentheina tuom tuomte (pandemic, pestilence, persecution, plague, natural calamities) ang tun chiengin Khristian te nahpi tah in apung jel uhi chi leitung khang tangthute ah muthei in a um hi. Tambang silte ahing tun chiengin, gingloute'n Jehovah Pasian lei leh van siampa leh shina leh hinna tunga thuneipa ang sui pan ua, mitampi ten pienthana ahing neilaw jel uhi.

I Mangpa Jesu Khrist shinua kum(Christian Era) 165 lai in Rome kumpi vaihawmna in ahuaam khah gamsung teng leh akimvel ah, sumphuh natna(small pox) leh chicken pox te ahing um a, ni khat in, khatvei thu in mihing 1000 bang muntuom tuom ah ana shi uhi. Tami Puul natna pen adal thei umlou, adamdoi umlou, adamlou pen pen a inn kuanpi te'n inn kongmai lamlien geiah ava koi mang vahieu uhi. Lamlien gei lah ah teenna ding leh giehna ding auplou jehin, A lung uh akham senga, a Temple ua um a Siempu te uh thu dong dingin ava kuan uhi. Kilawsawn di jau in a Siempute un jong ana

taimang san jel uhi. Damlouna, small pox leh chicken pox pen, hing huaise sem sem nanleh, damloute khu keplou-donlou in a um uhi. Khumbanga genthei thua a shi di mai mai ngah a umte khu Khristian te'n ava kem ua, hoitahnou in ann le tui, nih leh puan, sil-le-ten, leh damdoi te ana pie uhi. Tami natna in Khristian te lawsawn theilou ahi tuom sih a, Khristian tampi mama in jong ana shi law uhi. Khumi hun lai a gingtute pansan khu **"...tam ka sanggamte lah a neupen khat tunga na bawl ukhu ka tunga bawl na hi uh, chi ahi."** (Mathiu 25:40)

Gospel Tangkou May 2021

Hun hing peitou jel in Kum 250-262 kikal sung ma in Rome gam ah natna huaise ma ma khat ahing um kia a, khumi natna in jong nikhat a mihing hinna 5000 bang ana la tou jet jet mai hi. Tami hun in Romte vaihawmna na nuai ah gingtu 1.2 million vel pha ahi ua, tami natna ahing bei nua in, gingtute khu 6 million in ahing kibelap jou uh ana kichi hi. Sil bangkim guanggal tu leh lemgel tu I Bieh uh leh ibel uh Pa Pasian ahi a, tami **Corona Virus** pansan a leitunga gingloute tunga asepnop leh agen nop um ngel ding ahi. Pasian ihmud kal a tambang puul natna(plague) hing tung ahi sih a, atungsahpa I Pa Pasian min loupi na dinga ijah som chiet ding uh ahi jaw hi.

Kumzabi 16(16th Century) hun lai khu Father of **Protestantism** chia minvaw a um Martin Luther hun lai ahing hita hi. Tami hun lai tah in leitung pumpi ah puul natna ahing tung kia a amin khu **Black Death** aki chi hi. Tami natna khu'n German gam azel suoh ban ah, akim leh ziat gamteng jong ajal pha hi. Tami natna ing hat sem sem in khopi jousia ahing jel suoh a, Martin Luther tenna khopi **Wittenberg, 95 Thesis** atah khiehna mun jong ahing pha khong khong ta hi. Mi tampi te'n

tami khopi atai san ua, akhopi sung uh a hawm heu hou mai ta hi. A tai khie te jong tami natna in atai na mun ua adelpha veve a, ashi thou thou uhi. Martin Luther leh azi ahing kihou ua, ateenna khopi uh taisan mai lou a, damloute, kem leh jen dingin ahing kipe khia ua, ama tapa khat ngel jong tami natna jiehin ahing shilaw ta hi. Tami hun laitah a Martin Luther Laisiengthou pansan khu, **"Vatou ni paisasan khat in aki zuoh jel asiei mah ? Ahivangin alah ua khat zong na Pa uh theilouin tuol ah akesih ding hi."** (Mathiu 10:29.) chi khu ahi. Tuachiin Luther in mipite mai ah, tulai taha lamlian gei a akemdi leh a enkol ding umlou a natna thuoh a lum pen khu **Jesu Khrist** hileh vang, anatna leh gentheina huaisetah te khu, na unsieng un na va thuohpi ngap ding ua, jong na shipi ngap nalai ding uhi. Tuin ngai un, I Laisiengthou in bangchin agen ei, **"....Tam mineupente lah a, mi khat tunga na bawllou ukhu, ka tunga bawllou na hi uhi."** (Mathiu 25:45) chi in Luther in ana tang koupi hi. Tuin, ite'n jong, tami in, Covid-19 jieha theijing pumin, hahsatnaneh-le-tah, sil le ten, sum le pai, tha le jung a panpi ngaite ipanpi chet ding uh ahi.

Gospel Tangkou May 2021

Tami puul natna Covid-19 khu kum 2019 December ni 8 ni in China gam Wuhan khopi apatsa in theingailou tami natna ahing kimu doh hi. Bang natna ahei chi aki theilou jiehin Wuhan Corona Virus ana chi uhi. December 18,2019 ni in Sea Food (Tuipi sunga pat kiladoh ganching nehtheite zuohna Bazar apatsa hing kipan doh ahi chi in ahing thei khie uhi).

Kum 1850 lai in London khopi ah Cholera (Sungkhaw) natna hii ahing leeng a, nisim in mitampi pi ana shi jung jung uhi. Khum hunlai in Cholera damdoi a um nai sih a, ana masa ashi masa ahi mai uhi. Khum hunlai in jong Khristiante khu damloute kem le enkoltu in ana pang jing uhi.

Tuin, Novel Corona Virus (COVID-19) kichi puul natna ahing tunga, ei Christiante'n bang ichi response uai ?Bang ichi et ua, ibangchi puh tou ding ug ahiei? Tami natna khu Wuhan Province, China ahing kipan ahi a, hui a leng ahi jiehin heilam ahing kipan a bang hun a hing tunga, ang bangchi mat di adiei chi pen ithei sih hi. Tami puul natna Wuhan Province a ahing kibat chil lai in, Christiante khu 3% chauh ahi ua, hinanleh a panlahdan uh etton huai hi.

Tami natna ahing kitheidoh akipat in China gam ah, adieh in Wuhan City ah Face Mask abei sieng a, sum nei ten jong alei thei tuom sih uhi. Tami mun a Gingtu tawmnou khat umten, Europe gam leh America gam ah avai hah ua, tuachiin, apoimaw pen uh Face Mask khu tampi ahing tung ta hi. Tami Face Mask khat leh Gospel Track khat jel gingloute kungah athawn in apie khawm jel uhi. Tuachiin, a face mask amuh ua bul kawm in, a gospel track khu asim jel ua, mite kiipahna leh lametna ahing hithei ta hi. Tuabanah khumi face mask pieh toh thua in thungetna aneipi thei uh hi. Communist gam hinanleh, shi leh hin kal a um te adingin, Pasian ma beel jaw vai...Christiante bieh Pasian khu shina leh hinna tunga thuneipa ahi jiehin Ama beel vai akichi thei uhi. Tambanga **Plague, Pestilence, Persecution** te ahing um chiengin, Christiante khu apatau di, ajau di leh ataise di ihi sih ua, I Pa uh Pasian muang kawma, tawldam tah a um ding ahi jaw hi.

Germany gama Black Death ahing laan laitah in, Martin Luther in mipi te kungah, "Doimangpa in tubang hunlai tahin bang bawl dingin ahing dei ei.....Pasian in bang

Gospel Tangkou May 2021

bawl dingin ahing dei ei, kingaituo un” ana chi hi. Gingtute leh ginglou mite lunggel-lungput akibah lou ding, ei Jesu Khrist sisan siengthou a tatsate khu atuum vilvel a lungsim-vanlam thute ngaituo kawm a hinkhua, lungmuang leh tawldam tah a ijah ding uh ahi.

QUARANTINE

The Latin root of the word “quarantine” is “forty”.

So what does the Bible say about 40?

- # The flood lasted 40 days.
- # 40 years Moses fled Egypt.
- # 40 days Moses stayed on Mount Sinai to receive the Commandments.
- # Exodus lasted 40 years.
- # Jesus fasted for 40 days.
- # Lent is 40 days.

40 days for a woman to rest after giving birth.

A group of theologians thinks the number 40 represents “change”. It is the time of preparing a person, or people, to make a fundamental change.

Something will happen after these 40 days. Just believe and pray. Remember; whenever the number 40 appears in the Bible, there is a “change”.

Please know that during this “quarantine” rivers are cleaning up, vegetation is growing, the air is becoming cleaner because of less pollution, there is less theft and murder, healing is happening, and most importantly, people are turning to Christ. The Earth is at rest for the first time in many years and hearts are truly transforming.

So, during this time, enjoy it with your loved ones and return to the family altar together. Family prayer is a great blessing. Through prayer you will see the changes God can work in you and in your home. Christ promises us that everything works together for the good for those who love God: Romans 8:28!

Remember we are in the year 2020, and $20 + 20 = 40$.

Also, 2020 is the year of the United States Census. Jesus Christ, the savior of the world, was born during a census.

Lastly, 2020 is perfect vision. May our sight focus on the Lord and living according to His perfect vision for us knowing He holds us in the palm of His hand.

May these days of “quarantine” bring spiritual

Gospel Tangkou May 2021

liberation to our souls, our nation, and our world?

The best is yet to come. Trust in the Father, Son, and Holy Spirit!(‘ Send this to your family and friends.

PRAYERS

O most loving Father, You want us to give thanks for all things, to fear nothing except losing You, and to lay all our cares on You, knowing that you care for us. Strengthen the members of MELC in their faith in you. Grant that the fears and anxieties of this mortal life may not separate them from Your

love shown to us in Jesus Christ, Your Son, our Lord, who lives and reigns with you and the Holy Spirit, one God, now and forever.

Lord Jesus Christ, you commanded the wind and the waves, and they obeyed You. Speak peace to MELC Members, who are troubled by fear of this pandemic. By the power of Your Word, calm their anxious heart and the raging storms of their spirit; for you live and reign with the Father and the Holy Spirit, one God now and forever. Amen.

Neguna, Taguna leh Golguna leh Gingu Dih Tah Hihna.

T. Tualzathang.

“Aziehpen tahsa lam a tutein tahsa lam a neguna, taguna leh golguna (corruption) at van in, hinanlejong Hagau lam a tutein Hagau a kumtawn hinna a at ding hi.” (Galatians 6:8).

“And GOD saw the earth, and behold, it was corrupt, for all flesh had corrupted their way on earth.” Genesis 6:12).

“They have sunk deep into corruption, as in the days of Gibeah. GOD will remember their wickedness and punish them for their sins.”(Hosea 9:9).

Tunin, abang abang gen lei jong, khovel dan in, din mun sang

tah tah ah ding lei jong, niteng netawm hawl hilei jong, pil in siam kisa lei jong, tualeh sum leh pai hau kisa lei jong, i hinkhuo a negu na leh tagu na i bawl laisieh ei mah ah Jesu Khrist a um sih chih na ahi. Khrist a um ten negu taguna bawl lou hi, Laisiangthou in a gen bang in. I gam sung i et veng veng leh, neguna, taguna, kigolguna in pum dim in dim hi. Dih tat na mong mong mu ding

Gospel Tangkou May 2021

um lou hi. Government department teng teng lah neguna leh taguna aumlouleh na sem talou uhi. Heisung mun pou ah, sum, sum, sum deihna ngen in pum dim in dim hi. Khuga Dam ah tui neding kining ching um lejong tui iki tasam uhi. Mei la hoih lou, khopi sung a ilampi te ulah hoih lou. Tui la hoih lou. Tammi hoi e chih thei ding bang mah um lou hi chilei khial lou ding hi. Igam sung uh kinesiatna ngen in pum dim in dim phit phet hi. Manipur state government nuai a nasem te ahung pension tah Chiang un, a pension sum muh ding uh, a service sung a akhol khial uh, golguna a um lou leh asum muh ding uh mulou uhi chin kigen hi. Hitobang kinesietna gam a teng leh khosa ihi uhi. Chijat lujat huai pet mah hi. Ei Christian te hitobang kigolguna tungtawn a sum leh pai hing lam doh ki um ahi chih lei khial het lou ding hi.

Tunin, igam sung vah jua leh nal a USA leh gam dang dang apat a panpi nah sum lalut hattuam lamkai ahilou leh mimal bang jat akhat um ngei ding ahi chih lei gen khial het lou ding ihi. FEMA guidelines dih tah a jui lou a, panpi nah sum mu thei nading ahi phot leh PASIAN min suang leh jang a dih lou tah a sum lalut kitam mah mah hi chi lei khial het lou ding ahi. "Na hinkhuo uh sum ngainatna (deigawna) apat in

kem unlen, na nei dan dan in lungkim un. Aziehpén PASIAN in, Ka hing nuasia sih dinga, Kang taisan ngai sih ding hi. achi hi." ("Keep your life from love of money, and be content with what you have, for HE say, I will never leave you nor forsake you." Hebrews 13:5).

Ziat lam ipaileh PASIAN biah nah inn, veilam ipaileh PASIAN biah nah inn, malam ipaileh PASIAN biah nah inn, nunglam ipaileh PASIAN biah nah inn. Igam sung uh, ikhopi sung uh, PASIAN biah nah inn in pum dim hi. Hinanlejong, ikhopi sung ah, huleh ei mahni hinkhuo ah Jesu Khrist a kilam dang na mong mong mu thei ding um het lou hi. Mahni ang sung khual na ngen in ipum dim ta uhi. I khopi sung ah, mi bang jat in inei leh ilam te, residential building hin, commercial building hin, pei ni nei leh pei linei gari hin huleh adang adang te, neguna leh taguna huleh golguna sum um het lou a ka nei ahi chi ngam ding mi bang jat i um diai? Mahni chiet kidong vai. Lungkham huai pet mah hi. Bei dong huai pet mah hi. Sum ngai nat na in i pum dim ta uhi. Golguna leh neguna aum lou leh bang mah kibawl thei lou ding khop hiel in kilang hi. Adiahin, ei Christian kichite, milim bete sang in kiuang jotah hi. Kol gam vai gam a central

Gospel Tangkou May 2021

government nasekten i mu chiat uh kaging tahi. Ei Christian kichite sang in milim beten dihtat naleh gin um na nei sang jo mah mah uhi. PASIAN in golguna leh neguna, taguna bawl ding a ang jil sah hileh kilawm hial in ikhosa moh ta uhi.

Churachandpur township leh akim vel a building atam jote, golguna sum, neguna sum, taguna sum a kilam ahi chih lei khial lou ding hi. Huchibang ma in, car nal tah tah leh man tam tahtah tai viel vialte, atam zawte neguna sum leh taguna sum tualeh golguna sum a kilei ahi chih lei khial lou ding ahi. Hih cancer in Churachandpur a inn sung atam zawte jel suah dim dem tahi. Hattuam pawlpi, muanhuaitah tah leh ginum tah tah tejong hi cancer natna in pum tuam in tuam dim bei veh tahi. Christian officer atam jote jong hih cancer natna in pum tuam in tuam dim bei tahi.

Ei mahni hinkhuo a dih tat na um him him lou. Dih lou tah a sum i mutejong, mahni leh mahni kisiam tan suh mei. PASIAN deih dan leh deih lou dan jong en se se lou. Mahni hausat nading ahi phot leh adih leh adih lou um lou. Negu suh mei. Tagu suh mei. Golgu suh mei. Mimai a justify kibawl suh jiah jiah mei. Kichet theih sah naleh mimai a kipoh na a jang jieh jieh mei. O! Unau, i

gam tat dan leh i kalsuan dan Jesu Khrist hing jil tir dan hihet lou ahi chih thei poi moh pet mah hi. Piangthah tate um dan hihet lou ahi Laisiangthou in gen bang in.

Look. Brothers and Sisters in Jesus Christ, we proclaimed ourselves born again believers, however, we possessed wealth and assets (movable and immovable properties), beyond our known source of income. An underground cadre is already a condemned person in the eyes of the law, but he or she can be a transformed person through Jesus Christ, if he or she repent from his or her sins. This is not a mistake, but it is fact. It is true according to the Holy Scriptures. We have seen across the length and breadth of Churachandpur that vast majority of people in this small township including underground cadres owned beautiful buildings and drove expansive cars. We admired and glorified these kind of people instead of praying for them to GOD ALMIGHTY for their repentance. Instead of making them understand that the path they tread is against the teachings and commandments of our LORD and Saviour Jesus Christ. We cannot be partaker of their sins. GOD is watching.

Gospel Tangkou May 2021

PASIAN thu in “Mi kojong Khrist a um leh sil siem thah ahi, sil lui te abei tahi, ngai un ahing thah kia tahi,” chin ana gen hi. (2 Corinthians 4:17). Hih umjia chuh, Churachandpur township a Christian atam zawte, Christian kahi kichileijong, Khrist a um nai lou, sil siem thah hi nai lou

chihna ihi uhi. Alem mei mei, atah tah hi nai lou. Golguna leh neguna leh taguna in hing tuam dim nalai chihna ahi.

Hujia in, Unau deitah te aw, i Christian hihna avel in ki en thah chiet va ui. Ei mah mit in hilou in Jesu Khrist mit in. Amah Min Siengthou in. Amen.

MILIM BIEHNA

(Idol worship)

~ **By Pastor M. Thangboi Zou**
Local Pastor, Bengaluru ELC

Tangtel: Tuachin Samuel in mipite kungah, “Zau sih un, tam silgilou zousie nana bawlta ngutngei uhi, hinanleh Mangpa na zuina ukhu pielsan tuom sih unlen, na lungtang zousie un Mangpa nna semzaw un. Kinepna ding bangmalou leh nou hing hundam theilou zui in pielsan sih unlen, phattuomna neilou ahi ziehin.” (1Samuel 12: 20-21).

Thumapui: Tulai leitung silte i ngaitua vingveng chiengin Mangpa hing peina ding naita ahidan kichien tahin ahing tangkoupi mai hi. Tuabang kawmkal ah, gingtu hinkhuo hing suhsethei ding melmapa Setan in sun-le-zan in plan tuomtuom zangin gingtute lampiel theina ding asui a, tuabang kawmkal ah anaipen a ithei uh ithupi khu mawltah in kikum khawm lei chin ka hing kisah a, bukimlou na gam a khosah nalai ihiman un, chitlana tampi ahing um dinga, tuate

Pasian leh simtute’n na hing theisiem ding uh ka hing ngen masa hi. Tami khu Laibu tuomtuom pansan a kaikhawm ahi hi.

Milim biehna khu Pasian mite (Israelte) tangmi a a pieng jeljel khelna ahi hi. Tami a hing kipatna khu Jakob (Israel) innkuon a pan ahi, Jakob leh a innsung mite Bethel khuo a tun kuon ua, Jakob in gamdang pasiente (Milim) apaikhiet ding a thupieh khu ahi (Siem. 35: 1-4). Israel mipite milim bieh masat napen ahileh, “Sana

Gospel Tangkou May 2021

Banwgnou Lim” a kibawl abieh pen uh khu ahi hi. Tami khu Laisiengthou pumpi adia akichiemte masat napen ahi. Tua khu Mosi Sinai Muol a “Dan-Sawm pieh” (Ten Commanment) ladia akuon kal a siltung khu ahi (Pawt. 32: 1-6). Vaihawmte hun sungin Pasian miten milim ana beh paipai uhi. Kumpi Saul leh Kumpi David vaihawm hun sungin tabang milim biehnana ana um sih a, nanleh Kumpi Solomon hun nukhie lam/ tawplam ah tabang Israelte lah ah napin ahing kithang kie hi (1Leengte 11:1-8). Israel leenggam kikhen hun a tangmi ah Sahlam leh Hanglam Kumpite’n milim ana biehnana, a Saltan jou nua Juda mite lah ah milim biehnana hing dau/ bei hi.

1. MILIM BEH DIA ZOLNA:

Milim biehnana toh kisai a tuomtuom um zong leh, Pasian in khatbe deilou hi. (i) Pasian in Thuhun Lui hun akipan akham leh adeilou silte ahileh:

a) Thusawmpia (Ten Commandment) a, amasa tegel in Israelte biehnana hilou pasien dangte biehnana in Pasian thumanloua ahi (Pawt. 20: 3-4 hilchetna sim in).

b) Tami toh kibang thuhilna mun tuomtuom ah a gen hi (Cf. Pawt. 23: 13, 24, 34: 14-17, Danp. 4: 23-26, 6: 14, Josh. 23:

7, Danp. 6:10) ah numei leh pasal kal a khelna bawl khawmna biehnana sungah bawl theina ding kipum apna chite a um a, tuate amaute biehnana hipai hi. Tam tawndan ngainate’n Israel mi tampi’n nopsah kha, utkha uhi. Alang khatlam ah Pasian in amite Ama thumang leh siengthoua hinkhuo zang din phut hi. A kizawpna uh thupieh sungah um bangin kikem siengthou ding leh hing din adei hi. Ama mite tangtawn in thanghuoina silte a puolou ding ahi hi. Milim biehnana silte tawndan ngaina toh kihal khelnate, ahi louleh milim pasien pieh guolzawlana mute pan kihem khiet ding ahi.

ii) Milim biehnana ichipen dawitoh kipawlana ahi. Milim bete hun tomkhat sung hampha uhi. Dawitoh kijop biehnate’n sil khenkhat bawltheina nei leh a septhinate kichientanlou hi. Hun tomkhat sunga din hausatna, hamphatna hingpe pai thei hi. Ga tampi apethei pasiente, nau suhsethei, kho hun vaihawmtu pasien ten ga leh tehte pungsah, galhang pasien in a galte uh zawpi ding hi chin gingta uhi. Tam hamphatna dia thuchiemten Israel mi khenkhat soljou in, tuamite ziehin Israel mipite’n milim pasien biehnana nna sem uhi.

2. MILIM BIEHNA A ALOUTHEILOU A AZATTE UH:

Milim biehna kipat dan dihtah ithei sih leh ang zawlzoh na ding kithei joulou hi.

a) Laisiengthou in siengtah a agenna ah milim leh milim silte bangma lou lel ahi (Jer. 2: 11, 16: 20). Mihing khut a kibawl Sing-le-suongte hibou hi. Ama apat bangma vangletna umlou hi. Samuel in, “a mohna silte” (1Sam. 12: 21) chin ana gen hi. Tualeh Sawltah Paul in, “leitung milimte a mohna tahtah ahi” chin agen hi (1Kor. 8: 4, cf. 10: 19-20). Sam gieltu’n, (115: 4-8, 135: 15-18) leh Guolneiten (1Leengte 18: 27, Isai 44: 9-20, 46: 1-7, Jer. 10: 3-5) ten milim pasiente ana chiemnui bawl lel uhi.

b) Milim biehna zousie ah dawite apang hi. Tami dawite (evil/ demond) khu hagau gilou ahi hi. Moses (Danp. 32: 17 hilchetna sim in) leh Sam gieltu pan (Late 106: 36-37) dawite leh pasien dihoute a kibang in agen hi. Paul in Korinth hattuomte kungah, biehna a kizang Ann toh kisai ahoi gen hi. “Gentelte biehna khu... dawiloute biehna ahi hi” chin (1Kor. 10: 20) agen hi. Tamin agetnuom pen ahileh, dawiten leitung ah vangletna nei ma uhi. Milim biehna sunga um vangletna khu

dawi a ahi hi. A bangteng hita leh eite bieh Mangpa Jesu Khrist khu dawite sangin napin alienzaw hi. Setan pen, “tami leitung vaihawmpa” akichi hi (2Kor. 4: 4). Tu khanggilou hun ah vangletna toh na sem hi (1 Jn. 5: 19 cf. Luk 13: 16, Gal. 1: 4, Eph. 6: 12, Heb. 2: 14). Aman (Setan/ dawil) Pasian apat hilou sillamding tuomtuom te zong bawl thei hi (2Thess. 2: 9, Kil. 13: 2-8, 13, 16: 13-14, 19: 20). Leitung silte leh mihing adie hamphatna tuomtuom silte piehtheina anei hi. Tam vangletna ma toh khat veivei migiloute guolzawlina/ hausatna thupha muthei uhi (cf. Late 10: 2-6, 37: 16, 35, 49: 6, 73: 3-12).

c) Milim biehna khu dawil toh kizawpna kichien mama hi. A thuchien theisih zong lei lawki biehna, ngeina silte lungzin huoi mama hi. Tuate ahileh, “Siha thu, kithawina, Aisanna, bumna, dawilawmneina, mi shisa hagau toh kizawp theina” chite ahi hi. (cf. 2Leengte 21: 3-6, Isai 8: 19, Danp. 18: 9-11, Kil. 9: 21 chite sim in). Laisiengthou in tambang hagau giloute toh nasep khawm theina khu “dawil nasepna ahi” chin agen hi. Gentena din: Endor dawil siemnu kunga Kumpi Saul vapei in, Samuel hagau han din ava ngen hi, tua dawisiemnu’n

Gospel Tangkou May 2021

“leilah akipata pasien hingpawt doh kamu hi”, tua pasien in Samuel kahi chin kiphuong khie hi (1Sam. 28: 8-14), nanleh dawisiemnu’n amu pasien pen “Samuel hagau hilou dingin, dawi hizaw dingin ngaitua zaw hi” (1Sam. 28: 12).

d) Thuhun Tha laibu in, “Huoihamna pen milim biehnahi” chin (Kol. 3: 5) agen hi. Agen theina zieh khu, ama neisa tunga lungkim theilou a huoihamte tungah amau deina amutheina dingin, dawi vangletna toh kithuo khawm uhi. Hausat pai theina apethei hagau giloute akithuakhawmpi uhi. Khut a kibaw! Sing-le-suong pasiente masang a vakun lou vangin, amaute’n dawi toh kithuo huoihamna leh lunggulna masang ah vakun mun uh, tuazong milim biehnahi ma akichi hi. Mangpa Jesu’n gentethu agenna ah, “Suoh khatin Pu ni nasem khawm theilou” chin (Mt. 6: 24) agen hi. Paul in, thuhil a um gingtute kungah, “Pasian nou leh dawite nou na dawnkhawm thei sih ding uhi” chin (1Kor. 10: 21) agen hi. Tamna kigen tegiel khu agetnuom pen uh kibang ahi hi.

3. MILIM BEHTE, PASIAN IN BANG LOH DING?

Milim biehnahi toh kisai a tuomtuom um zong leh, Pasian

in khatbe deituon lou hi. (i) Pasian in Thuhunlui hun a akham leh adeiloute ahileh:

a) Thupieh sawm a, amasa tegiel in Israelte biehnahi Pasian hilou pasien dangte biehnahi in Pasian thumanlounahi (Pawt. 20: 3-4 hilchetna sim in) chin agen hi.

b) Tami toh kibang thuhilna mun tuomtuom ah a gen hi (Cf. Pawt. 23: 13, 24, 34: 14-17, Danp. 4: 23-26, 6: 14, Josh. 23: 7, Danp. 6:10, 2Leengte 17: 35, 37-38). (c) Pasian dangte nna seplou ding china in, milim zousie, midangte biehnahi a kizang sil zousie Kanaan leitung pan suhsiet ding chi thu akizawm ahi hi (Pawt. 23: 24, 34: 13, Danp. 7: 4-5, 12: 2-3).

ii) Israelte tangmi zousie ah milim biehnahi thu akigen hi. Pasian in athupiehte leitung ah milim zousie suhse din sawl hi. Amiten zuilou, thamlou in tuabang mite biehnahi zuizaw uhi. Tuami ziehin Israelte tungah Pasian lungtha mama in, a melmate uh a tung ua vaihawm dingin thupieh nei hi.

a) Vaihawmte laibu sungah akuolpei bangin akizawm a silting ahi hi. Israel mite’n atenna gam uapat ahawlkhiet lou uh nam dangte milim pasiente beh din kipan uhi. Tuate ziehin Pasian in

Gospel Tangkou May 2021

amelmate uh khut sungah apelut hi. Israelte kisia a Pasion angbel ua, Pasion anghat tachieng un, amaute melmate khutsung akipan ahunkhe dingin Lamkai khat ana pelzel hi.

b) Suolam gam a um Israel mite'n milim abieh zieh un Kum 200 sungbou gam khatin aumsah hi. Atawpna ah Pasion in thuojou nonlou in Assiraite zangin Israelte tenna khopi asuhse sah hi. Israel Nam-10te kikhen thangsah hi (2Leengte 17: 6-18).

c) Juda gam (hanglam gam) ah Pasion zau kumpi khenkhat hing pieng kha hi. Tuate lah ah Josiah leh Hezehiahte zong apngkha uhi. Hinanleh Kumpi Manasseh akipan kumpi giloute vangin Juda gam ah milim bieha hing hat kie hi (2Leengte 21: 1-9). Atawpna ah Pasion in Guolneite tungtawn in (zangin) Jerusalem khopi suhsiet a um ding phalna thu agent ahi (2Leengte 21: 10-16), tuabang a genlohna aum lain zong milim bieha nasep pei nalai (khawlsan tuonlou uhi) veve hi (Isai 48: 4-5, Jer. 2: 4-30, 16: 18-21, Ezek. Bung 8). Pasion akipan guolneite thugen pen Kumpi Nebukkadzzer hun in hing tangtung tahi. Amaute'n Jerusalem khopi la in, Biehinna halin a khopi dangte uh mei in

haltum sah uhi (2Leengte Bung 25 sim in).

iii) Thuhun Tha ah zong gingtute'n milim beh lou din thuhilna aum hi.

a) Tu hun in milim bieha pen achi tuomtuom in akimu (kilang) thei hi. Leitunga bieha lienpente khu "Bum-le-Ai, Setan bieha leh paikhielna (gindan dihloute zuina) chi tuomtuom aum hi", tamte khu mihingte huoihamna lungsim leh Van leh silte tungbou Pasion amuonzaw lou chiengun hing pieng khie hi. Atawpna ah, tami thu khu hattuom sungah zong piengthei/ tungthei hi. Mihing ten ginna hing neiun, Pasion bieha pienthana leh guolzawlina amu masang un, thanguoina gamtat leh leitung gitlounate ahing bawl khawm chiengun, tambang sietna hingtung zel/ pieng khiel hi.

b) Tualeh Thuhun Tha laibu'n, "huoihamna leh thangsietna lungsim inei ding uh hing phallou hi" (Kol. 3: 5 cf. Mt. 6: 19-20, Rom 7: 7, Heb. 13: 5-6 chite zong sim in). milim bieha pan taikhie un chi ahi (1Kor. 10: 14, 1 Jn. 5: 21). Pasion in milim kichi taphot abeh zousie Vangam kailou ding chin hinghil hi (1Kor. 6: 9-10, Gal. 5: 20-21, Kil. 22: 15 chite zong hoitan sim suo teitei in).

Akhupsitna: Tunin siemlou pumpum leh chinglou pumpum in “Milim Biehna” toh kisai theidie kilawmte igen khawm ta ua, tamte akipat na kiveng siem a, tam silte na zuilou leh mihampha pen na suo dinga, nanleh akigel maimai chia na ngai a, “Bum-le-Ai, Maibi-maiba” na zawt veve leh a moh

nang na kipuoh ta ding hi, chi kithei inlen, pilvang tah a Mangpa Jesu nuazui ginum hithei chiet ngei din simtu zousie Mangpa Pasian in thupha hingpe chiet taken.

NB: Next Issue ah, BIEHPIEHNA (Worship) toh kisai ikikum khawm kia ding uhi.

KHRISTIAN INNKUAN CHIDAM LEH NUAM NEIHTHEIH NADINGIN

By: Rev. Chin Lamthang Buansing

Thupatna: Mr. Gallop Pall in Ni tumna gamte ah, nupa kikhen kik tehna a sandan hibang in gen hi: Nupa kiteengsa kop 100 ah 65% - 75% te kikhen kik uhi chi hi. Innkuan hoih mahmah gam chi a ki chiamteh, Japan leh South Korea te ah zong nupa kikhen kik pen kop 100 lak ah 50% bang tung zou kichi hi. Gam khangtou lelte ah zong nupa kikhen kik tam mahmah kichi hi. Nupa tampite Innsung khatah a tenkhawm hangun lungsima kikhensa hithei gige uhi. Tu hun chiangin Lamka, khopi simtel in khopi lian leh khopi neu te ah zong nupa kal siatna uang mah mah in nupa kikhen kik tam mah mah mawk hi. Innkuan chidamna in Saptuam chidamna leh khotaang chidamna tun hi. Tua kia hilou in minam sung damna leh gamsung damna zong atun hi. Tulai tak a I minam un apoimawh pen Innkuan chidamna hikhamohlou ding hi.

Khristian Innkuan Chidam leh Innsung nuam Neih theihna dingin Kikupkhawmna anuai a bangin nei ni:

A. Khrist in a Lamkhiat Innkuan (Nupa) hih Kiphamawh hi.

Sam 127:1 in, Innkuan pen Toupa kilamsak akisap dan hi bang in gen hi – “Topa in Inn a lam kei leh a lamte gimna a mawkna ahi hi” chi hi. Khrist inntekna Innsung ah bel Khrist a thunei pen leh a lianpen ahi gige a, buaina ding a omkei hi.

Tuabang a Khrist Inntekna Innsung ah bel -

Gospel Tangkou May 2021

- a) Innkuan a tutkhawmna leh nuihkhawmna a om a,
- b) Innkuan a Pasion biak-khawmna nuamtak a om a,
- c) Lai siangthou thu sinkhawmna leh kikupkhawmna a om a,
- d) La sakkhawmna leh thumkhawmnate a om a,
- e) Ki itna leh ki hehpihnate kampau leh nasepte a om a,
- f) Ki muanggam tuahna leh zaleena a om a,
- g) Khelhna leh hatlounnate ki ngaihdamtuahna a om a,
- h) Diktatna leh siangthou taka vaihawmna a om a,
- i) Muanhuaina leh chihtakna toh nasepna a om a,
- j) Ki thumantuahna leh ki deihsak tuahna a om a,
- k) Ki zahtaaktuahna leh ki pahtawi tuahna a om a,
- l) Lungsim tawldamna leh khamuanna a om a,
- m) Lungsim kihong tak a nuntak khawmna zong a om hi.

B. Innkuan Sungah Kithuzaktuahna Hoihtak a om poimaw hi.

Kithuzak tuahna kichi bel –

- a) Kampau khiak a kithuzakna, leh
- b) Kampau selou a kithuzaknate zong ahi tuak tuak hi.
- c) Thu-le-laa khatpeu Innkuan pihte theihshiam ding a genna ahi.

Kithuzak tuahna in a tuun khak te –

- a) Kampau khiakna, thugenna, leh houlimna ahi,
- b) Ngaihkhiatna, leh theihshiamnate zong ahi.

Innkuan sung Buaina omsaktu Taangpi pen-

- a) Kithuzak tuahna ahoihlouh chiang in ahi deuh hi,
- b) Thugentu pen in kitel tak a thu khatpeuh gen ding,
- c) Ngaihkhiat a nuam dinga kampau kilawm zat ding,
- d) Ngaihkiatu pen in zong theihchian sawm a limtaka angaihkhiat ding ahi.

C. Innkuan sungah Sum-le-pai Saikhawm siam kisam hi.

- a) Innkuan sum muhna leh sum zatna hoihtak a kitheihpih ding,
- b) Sum muhna leh zatnate chiamtehna hoihtak a neih ding,
- c) Sum-le-pai a buaina pen Innkuan tampite kisiatna leh lungkhamna ahi,
- d) Tua hangin sum saina kizentak pen innkuan ah neih ngeingei ding ahi.

D. Tanau-Laina Ki ngaihnat siampih Poimawh mahmah ahi.

- a) Na koppih ii nu-le-pa leh tanau-laina te theihpih in,
- b) Na koppih ii nu-le-pa leh tanau-laina te ngaihnat pih in,
- c) Amaute nuihmai leh kamsiam in houpih khial ken,
- d) Amaute zahdan siam inla, na deihsakna kilang sak in,

Gospel Tangkou May 2021

- e) Amaute nangmah Innkuan bangin bawl inla duatsiam in,
- f) Tua bang a nahih theih leh Innkuan sung buaina ding tampi na peel thei hi.

E. Innkuan maban peiding dan Gelkhawmna nei poimaw ahi.?

Maban a Sep-le-bawl ding toh kisai Geelna-

- a) Hun tomchik a ding geelkholhna neih ding,
- b) Hun sawtzaw deuh a ding zong geelkholhna neih ding,
- c) Hunsawt pi nung a ding zong geelkholhna neih ding ahi.

Na geel kholhna tawh kituak in Sum zat ding Sekhia in -

- a) Innsung vanzat khatpeuh leina ding,
- b) Gari (Motor) thak leina ding,
- c) Inn thak lamna (sakna) ding,
- d) Mou lopna ahihkei leh mou khakna ding,
- e) Khualzin nading, leh adang dang a zatna ding.

Toupan a hongpiak leh Ta-le-nau neihzah ding geel khawl in-

- a) Tapa, tanu neihzah ding,
- b) Tate' Pasion thu toh kep ding dan,
- c) Tate' khovel laipilna sinsakna ding,
- d) Tate' mabaan tuna ding leh nekzonna ding,

F. Na Koppih ii pumpi leh lungsim na theisiam sawm ding ahi.

- a) A deih lam leh a deihlough lamte,
- b) A lungdampih lam leh a huat lamte,
- c) A duh lam leh a duhlough lamte,
- d) Nuam asakdan leh nuamlou a sak dante,
- e) A hatna lam a hat loughna lamte,
- f) A siamna lam leh a siam loughna lamte,
- g) Poimawh akisak lam leh akisaklough lamte.

G. Banghang a Nupa dinga Noute-gel Kiteeng kha chih Theihchian in.

- a) Pasion in nupa a nakiteenna uh hoih a sa mama chih thei in,
- b) Ta-le-nau neih ding pen, Toupa' thupha atuam a kitang ahizaw a,
- c) Ta neihlough man a nupa kikhen kik chih pen Toupa deihna hilou ahi,
- d) Na koppih pen midang koppihthe toh tehkaak ngeiken, ahihna bangin pom in,
- e) Chitloughna tuamtuam neituak a kiteeng kha nahihdan uh chih manghilh ngeiken,

Gospel Tangkou May 2021

- f) Na koppih it-ding, ngai-ding, leh hehpihthei dingin Toupa kiangah thumzel in,
- g) Nupa a kituak theilou chihman a kikhenkik chih pen Toupa deihna hilou ahi chih thei in,
- h) Na nupa kaal uah, midang kuamah vaihawm leh thunei dingin luutsakkha ngei hetkei un,
- i) Pasion in abawl, apatkhiat, leh hoih asak nupa hinkhua na suksiat leh na kisiik ding hi.

Thukhupna:

Galilee gam, Cana khua a moupawi ah Jesu chial a hihmah bangun, tuni in zong noumau Innsung ah Toupa chialta unla, Cana khua a moupawi ah leenggah zu a bei Chiang a Jesu' panpihna a nget mah bangun na nupa kaal uah buaina a hong omkhak Chiang in Jesu' huhna leh panpihna nanget zelzel dinguh manghilhlouh ding ahi. Khristian Innkuan chidam leh nuamsa hithei semsem ding in Pa Pasion in thupha hong pia hen aw! **Amen.**

ITNA TOH KHANGTOU VAI

(Rome 12:9-11)

~ **Rev. T.C. Khup**

Local Pastor, MELC HQ. Church.

Tulai gingtu kichite lah ah.. ibuaipi zel uh, khelna toh kisai a ikikawh tuatua zelzel uleh adihzaw dan a iki gel ua, bangteng sai in gengen leizong abawlkhiel a ikigel tuanlou uh thu tampite lah ah neukhat ITNA toh kisai in kikum khawm lei ka ut hi. Paul in itna thu anagen khu itna dih, achiim kilkel a lungsim dang neilou kei a it a deisahna lampang gen uang dieh anahizaw hi. Itna ichichi khu Pasion a kipat a hing kipan adihtah leh asiengthou itna ahia, eite itna toh kigamla mama hi. Eiten mi iki deisah bawl zel poupoute toh kikhe mama ding hi.

Pasion itna pen tuabang chiet uh poimaw mama ding hi. ahisia, eite itna bang a 'ahuchi tah Itna kichi khu NGAIDAMNA toh leh hichitan hiding' chia thu itan thumun khat hizing ahidan thei in zeltetoh kigamla mama hi. peitou dieldiel lei deihuai mama hi. Manggam a iseppi khat tung ah Pasion Itna khu eiten "ahuchi tah bang lungsim ipuo ei chikhu atena zal in ahi chi ding ahi" chia kilungpi dihtah a etkhieh hi talei khuolsah a vai ihawmzel tetoh bangtobang dawanna ituoh diei chi kigamla mama hi. Ama I Pasion nna ngaitua zel a peidan ikizil siem sem a theitawp suo kisa a pan

Gospel Tangkou May 2021

ilahzelte khu hoitah a i etphat zel uh kiphamaw mama ding hi. Mangpa i Pasian nasem a kigel a kalsuon ihi tahtah leh ilunggelte uleh ipeipi dante uh tampi ngaitua tha ding um in kathei hi. Mikhiel migilou penpente itna bukim nei a NGAIDAM A SIEM TANGSAH I Mangpa Jesu Khrist nasepdante thei a sunzomtou ihidante uh thei in kalsuandan atha in kijil kialei chi ut ihi uhi. Aneu alian Pasian nna semzing ihidan uh theichiet in ipeipi dante uh kiveltha in kalsuon khawm diel diel lei chi ut ihipen uhi. Khrist min a Unaute, idoupa uh diabol/setan deidan suhpiching dingin let leh lal, thuneina teleh seppi khat tung a thangsietna neipum a vaihawmnate khu paikhie in Ama i Pasian kung itunni

chieng ua kipahman loupi khu saang ngei dingin damsung hun tomnou inei sungun thuahkhawm in kipahkhawm dieldiel lei, tuakhu ma himei lou amah...?? Tunia itna kanei, kasulang hi chia pan nasatah a la a inasep tekhu Laisiengthou toh bangtan a kinai leh kigamla e chi velphachiet in ki enpha chiet lei chi ut ihi uhi. Eite pen lunggel tuamkhat neipum a Pasian thu a hat dan a, ei lunggel tekhu Pasian in zong pha angsahpidan a gel hilei kilawm a igamtat zelte pen uh Pasian thu a hing a kalsuan ihilou zawh dante uh kitheimaw bawlbawl nawnlou in Manggam nna isepnate uh leh ipeipi dante uh lampidihlou zui ihidante uh theiin pan latha chietlei chi ihizaw uhi. Rom

Jesu losam ngaisih

(I Korinth 13:8)

~ Rev. Haozalian

Thumasat: Tam Laisiengthou khu Bible pumpi sunga 'Jesu Losam Ngaisih' chi thuteng imuna umsun ahi. Jesu khu itna ahi, a ziehpen Bible in Pasian khu itna ahi achiman in. Tualeh koizong itna a um khu Pasian ah aum a, Pasian zong ama ah aum hi. (I Johan 4:16).

Jesu khu itna ahia, tualeh Jesu khu Thutah ahi; Jesu khu lampi ahia khuleh hinna zong ahi. (Johan 14:6). Gingtu khat in ahinna a Jesu khu athupipen anei chiengin, tuachiin ahinkhuo um nalai teng bangchi etkol dingdan theita va. Tuabangin i lungtang ua Thupipen

a Jesu inei tah chieng un leh Gou neisun leh hinkhuo kinepna umsun banga inei chieng un Khristian kitaidemna taitou jel din thuo-hatna leh kinepna vahsem eima leh eima A thu tungtawn in ang kimusah leng hi.

Gospel Tangkou May 2021

Tuathamlou in, Jesu akipat hinkhuo peipi dingdan i zildohte khu mapuitu hoipen ahing hita uhi. Jesu hinkhuo zatdan i theitel chiengun, hinna geeldan, hun leh nei leh lam tunga Pasion lemguat Ama tawisang na dingin i geelthei ta ding uhi.

Hinanleh bang teng tungah Jesu khu alosam ngaisih chi na theikhiet chiengin, a diehin. Aman ahing umpi zing dan leh, a tate ihina dol a ahing it gige dan itheidoh zel uhi. Initeng galsatna ah ei hantawh in ei suhat zing leng nabou a, tuachin i tahsap laitah un panpi ding leh poimaw-guon ding a juau ngai himhim sih hi. Khum theidohna mai in jong Ama itsem ding leh muongsem dingin Khrist tellou in bangmalou mai leh mihing zong chitahlou i hidan ei thei tha sah leng hi. Tambang zel in tu hun nukhia ah Khristian hinkhuo hinn dingdan theitel tava teh. Tam aneya bangin Jesu Hinkhuo peidan enzel vai.

1. Na hinkhuo ah Jesu khu athupipen in na ngaisang thei zel naimah? (Johan 21:15-17)

a) Tuachi'n Ama khu na hinkhuo a apoimaw pen vawt in ngaisut va chinin, nangma sangin leh midang sangin zong ngai poimaw zova chin, tam vannuoi hausatna gouteng sangin zong ngaisang zova teh. (Matt. 22:37,38)

b) Tuachi'n jesu khu na gouneisun leh tanvon hi kumtawn tava. (Ps. 73:26)

c) Jesu khu na niteng kinepna hivan in, a loupina jal na jou ding kinepna, A zangaina ei sopsieng dinga kinepna leh loupitah a ahing pei kiana ding lametna in dim va teh. (Romte 5:2-5; Tita 2:13)

d) Tuachiin khum lametna in na gintatna vangin nopna leh lungmuonna hing dim sah vanin, tuachin Hagau Siengthou silboltheina jalla kinepna na pumdim theina ding un (Rom 15:13)

e) Tuatachieng in lametna khu Pasion theina ah ahidan leh a itna a kitoldam ahidan theikhetava teh. (Zephaniah 3:9; Johan 15:9)

2. Jesu hinkhuo peipidan khu i hinna peipi dingdan ua ahoipen ahi.

a) Jesu na it leh, a thu jong itva chin, a ziehpen Bible a a thupi laigil pen Jesu ma pigen ahi. (Luke 24:45)

b) Hinkhuo na geel didan pen, Pasion it ding, Pasion thu zui ding, Pasion tahsan dinga na lungtang zousie a sep ding. Eima hinontalou dingin amabou eite hing it a i luonga shipa dinga hin ahi zaw hi. (2 Kor. 5:15 & Gal. 2:20)

c) Na hunte na geel dan jong ahei leh na hunte na bangchi zah ei chite! Mat leh matin hun manpha Pasion adin peva chinin. Hun manpha Pasion pieh chi umzieh khu a Pepa theikhieh a, i get isah zousie a Ama lungdamsah ding china ahi. Ki-ngiemkhieh a

Gospel Tangkou May 2021

athu manna zalla Ama kipasah ding chi ahi. (Luk 10:42)

d) Nei-le-lam na etdan, sum leh pai leh na sapum ngel zong Pasion lemguot leh adeina banga Ama tawisangna dia man ding cina ahi. Sil zousie a thuvah sungah muva chin in, tuate Pasion in Adeina banga zah dia asiem ahidan muva teh. Tuachia mi'n Ama jal a jou kumkhuo na ding un. (Rom 11:33-36)

e) Sil bangkim na geeldan pen tangtawn vah sungah hivan in. Pasion in sil bangkim ahun bang zelin ettawn in a siem hi chi thei tel vateh. (Eccl. 3:11)

Thukhahna: Atopna ahivang aneupen hisam lou in Jesu khu Pasion Hat, a thuchiem pelngailoupa ahidan theidoh va chin in. Aman a thu ah hichin a chia, 'Kei khu vannuoi topdong in na kung uah ka um zing leng hi.' (Matt. 28:20). Aman agen kia jel a,

"Nouma hing donlou sih vangin, peijong hing peisan tuomsih vang' achi hi. (Heb. 13:5) Tuachi'n Jesu khu i mangbat hun chienga i panpitu uh um zingpa ahi dan theikhe va chin (Ps. 46:1). Aman silbangkim a thuzaw thei a, A Leenggam khun mi zousie tungah vaihawm hi. (Ps. 103:19). Miten nang pen tampi vei hing zuausan khava uh, hinanleh Jesu'n hing zuausan him him lou ding hi! A itna in silgilou ngaituonate a pumpel thei a, Na lungtang gilou ngaituona alut chiengin. Jesu itnan khumte deldoh jel hen. Melmapa thangkama na ohkhah chiengin, Pasion thutahin hing zalensah jel hen. "Thutah theiva uchin, thutah in hing zalensah ding hi." (Johan 8:32-36). Pasion itna in ahing luodim a, ahing suhhattah chiengin, khiel leh lungkhamna leh shi zauna panin hutkhiet na hi ta ding hi. Tuabangin tulai hun in Khristian hinkhuo hingvai. Amen.

Gingtute leh

COVID-19

Pastor. T. Chinlunmang. Zou.

Tulai leitung pumpi in a buaipei Covid-19 leh Gingtute hinkhuo hoitah ah i ngaituo leh Mihing in hagau hundamna itanna ding uh leh Covid apat damna muhna ding kibatna a um hi, mihing pen ahileh i tahsa khatvei shiding ahi a, hinanleh i hagau pen kumtawna hiing ding in a kumtawn hun azatna ding munpen mun ni (2) Vangam leh Meidil a um hi. Gingtute i hina pen i tahsa shizou chienga i hagau in kumtawn hinna atanna ding kinem ihi uhi.

Gospel Tangkou May 2021

Johan bung 3 na ah Jesu leh Judate lamkai Farisai pawla mi Nikodem kihouna imu uhi. Nikodem Judate lamkai ahijiehin mi mu ding utlou in zanlai in Jesu kunga ava pei a “Rabbi Pasion akipat ah hingpei Siepa nahi chi kathei uhi. Pasion umpilou mi koima’n nachiemtehna lamdang bawlte abawl theisih ding uhi”, achi hi. Jesu’n a dawnga akungah “Adihtahin kahing hil ahi, mi koipou a piengtha sih leh Pasion gam amu sih ding hi,” achi hi. Nikodem in akung ah,

“ Mi ateh nua in bang achi piengthah thei diei? anu sungah nivei lut in a piengthah thei diei mah?” achi hi. Jesu’n a dawnga, “ Adihtahin kahing hil ahi, mi koipou tui leh hagau ah a piengthah sih leh Pasion gam alut theisi ding hi. Tahsa a pieng pouma tahsa ahia, hagau a pieng pouma hagau ahi” achi hi. Na piengthah ngeingei ding ahi na kungah kachi lamdang sa sin. Tami Jesu leh Nikodem kihouna apat Nikodem in piengthah chi umdan theisiem lou ahidan a kilang hi. Gintu khat in kumtawn hinna amu na ding a poimaw pen ahileh a khelnate kisia ah Pasion kungah ngiadam ngeta, a tapa Jesu gintat ding ahi, Rom.10:9 “Jesu Manga ahi chi na kama na phuon ah, mishi laha kipat Pasion in a kaithou hi chi na lungtanga na gintat leh Hundam in na um ding hi.” chin a kigiel hi. Piengthahna ichi chiengin Nikodem ngaidan

banga inu gilsunga lut ah piengthah kia ding china hilou in hinkhuo ah Pasion tapa Jesu gintat jieha kikheln ahi, tami kikhelna nei na ding in Eden huona Adam leh Evi apat sut a, tu i hinkhuo a khelna bangma neilou hinan leizong Adam suon ihi jieha khielsa a pieng ihi dan kitheichet ding ahi. (Psalm.51:5) Hundamna muna ding in lampi khat maimai a um a, tuokhu mikhiel ihi chi kithei a, ikhelnate thupha toi a Jesu Pasion tapa ka khelna jiehin mihing in ahing pienga, suhgenthei in a uma, Kross ah kilbeh in a uma, ashi a, vui in a um a, shina zou in nithum niin shina apat a thoukia ahi chi i kam ngei a phuon ding ahi. Mi tampi in khelna ana bawlte uh midangten a theiding zau leh zumhuoi sah in, khelna thupha toi utlou in, i khel na te uh im in Pasion kunga ngaidam ngen utlou in i um ua, mi tampi hoi kisah in khielsah ah khelna toh pieng ihidan pen pomthei lou in ama hoina leh silhoi bawlte jieha hundam ding ah ki ngaituo in, mi tampi sum leh paai aneite suangin sietna bangma in suse zoulou ding banga ki ngaituo in, eima pilna, siemna, bawltheinate muong in hinkhuo izang uhi, tamte’n hundam ihi ding hing dal in kumtawn ah hiing ding sang in shina itel zaw uhi.

Tulai a leitung in a buoipi Covid-19 apat damna itanna ding un zong Covid test kibawla, ivei leh veilou ki theichet ding poimaw hi,

Gospel Tangkou May 2021

mitampi ahing damlou chieng un Covid syptoms te nei nanleh test kibawl leh Positive hikha ah quarantine ah kikoi khah ding leh midangte'n Covid vei chie athei ding zau in test kibawl utlou in ahing buoisie chieng ua Doctor naipan in hinanleh ana kikhel manzel tahi, Hagau hundamna ding a khelna kipatna theichet a i khelna thupha toi ding apoimaw bangin, Covid apat damna ding in damlouna inei ah Covid syptoms te inei leh Covid test kibawl a ivei leh veilou theichet poimaw hi, Hagau hundamna dinga poimaw mikhiel ihidan kitheichet a i khelnate Pasion kungah ngaidam

nget ding a poimaw a, Covid apat i bitna ding unzong government in zui ding dan abawlte zui ding, SOP, vaccine kikap leh adang dang te zui ding a poimaw hi, eima hoi kisah leh bawlthei kisah jieh in i khelnate thupha toi utlou in i um uhi, Govt in zong Covid apat kivenna ding a vaccine kikap ding a peipi lai in eima mimal ngaidan peipi in govt thupiehte zui utlou in i um uhi. Shiding izau ua hinaleh hundam ihina ding ua bawl ding, Pasion kunga i khelna thupha toi a, a tapa Jesu Khrist i khelna jieha shi ahi chi i ginta ut sih uhi, Covid vei ding izau ua hinanleh a vaccine kikap ding i utsih uhi.

“PUA NANLEI ZONG THOU KIA DING...”

~ Pro. Pastor M. Hausawmlal

Bukim nailou leitung a khuosa ihi na jieuh siljou ei deibang bang in a umthei naisih hi. Tualeh mihing pen bang chituh in hoi in hoi sawm vei sawmkua nalei na ki hoibukim joulou tuan nailou hi. Ahin la akipa huai leh hamphat nalian mamah khat inei uh ahi leh a hoibukim gensietna ding um keilou khat I Mangpa Jesu eite a ding in hing shi in a hoina te ang hingki tangpi in vangkhuo thupi kawtpi ang hong pie hi.

Ei gingtute'n Jesu I pomni ahilouleh ineih ni apat in Mangpa apat in silthawnpia (free gift) Hagau Siengthou itangngalta uhi. Tam Hagau Siangthou pen amangthei ahi nonsih hi (permanent) (John 14:16, 2 Kor 1:22). Mangpa'n tam Hagau khatvei ahing piahsa

pen ah lakia non sihi, hampaha sawnsawn mamah ihi uh, ajiehpén Thuhunlui (OT) in tam Hagau pieh sah pen ana kila kia thei ahi, etsahna in kumpi David tam bang in ana thum hi “Keima akipat na hagau na hagau Siangthou lakie sin” (Late 51:11).

Gospel Tangkou May 2021

Pasian pen vah ahi a (I John 1:5), khumjie in ei gintute jong vah tate ihi uhi (Eph.5:8). Ahin tam leitunga ikhuolzinna mun ah miel lampi va kijuan khathei hi, tuatham lou in jong kpalpua thei nalai ihi uhi, ahivang in isung a Hagau Siangthou tengpen mang tuannonlou, isuohat nate jong a mang tuom sihi, Pasian tapa/tanu ihina beitian nonlou ahi. Ahinla tambang ah miel ah I umchien in isung a Hagau Sianthou pen I sulunggam in igenthei sahta uhi (Eph.4:30). I Hagau Sianthou ki enkolsah (control) jaw ahoi a, tuabang hileh lungnop nate hing tut jaw va'n , I puahnat nate puoh dan hing siemsah va'n, thuaha isahte thuadan hing hil jolou ding amah?

Unau! Nangjong ana nuatawl khan na nahi maithei hi. Na nuatawl na lian in neuta leh Mangpa kung a lungsim teng toh Mangpa kung ah ngaidam ngen in thum in I Hagau tangpen ki enkol saleh ei a ding in hoijaw louding ama? Miel ah I umna apat in pawt jaw vai, 'Khatvei toh'chi kia in panla tha vai, Mangpa 'n hing na ngah jing ahi. Solsiampa'n na khielna lianseng in ngaidam jouding gual hinon sih chi bang in lungsimte hing guan in in lampi te ang dal jel hi.

'Marthin Luther leh Satan' ki houlim na chikhat thusim ana um hi. "Jankhat Satan in Luther in a lup laitah in avah veh (visit) ta a, tuachin Luther kengto lang ah vah ding in laipeh kijial sau mamah te ahing lakhia in thu ang genta hi, "Tam laipehte ah na mawhna(sin) jousia kigel khia (recoded) tengpi in na vangam hing tungpi ding in na kinem nalai amah?" chin ang simkhie hi. Tuachin Luther in tamchin a dong hi, " Adihi simtou jel in in ka mawhna te", achi hi. Khumin Satan in laipeh a kigelhte ahing simkhia suhjel a, tuachin Luther in simsuh jel in chin adawng jel a, Satan in jong ahun peisa amawhna jousie ang simjou tan in Luther in tambang in Satan kung ah thu ang genta hi, "Tua nang thil simjousia adih hi hi, kamawh mahi, ahin silkhat a um hi, tuami ahileh Ka Mangpa Jesu Sisan in calvary tang ang sopsiang piata hi" chin adawng ta hi. Tuachin Satan jong gending theilou nawnlo in a kileng mangta hi. " Mangpa min iphat in um hen"!.

Satan in isietna te ngenngen a hing chiamteh pieh hi, Satan sietna chiemteh nalam ah gin umtah mamah eh lunglutta ahi. Ahin I Mangpa khu I maban hoina ding alunglut pen in i sietnate , I hoilounate hing

Gospel Tangkou May 2021

chiamteh pielou in (Hebrew 8:12, Jeremih 31:34; Isai 4:25), hing it jing nalai hi. Khum jia in unau aw! Mangpa kung mah ah umjing vai...lampiel khata ihi jong in ama kung zuan kia vai aman hing na nga jing ahi.

“Aziehpen midihtat sagivei pua nanleh, athoukia dinga...” (Thupilte 24:16)

Kipalpua nanleh abungbusip in atusah sih dinga, Mangpa’n akhut a ama atuh det jieh in (Late 37:24).

NAMIN BANG E?

Pastor Rawna Kopsiam

Whatsapp Message apat kilahson ahi.

* Rebeka in a tapa Jakob a deisah seng nalam in lampi dihrou zui ding leh zuou gen dingdan a kizil sah nathu et thakkia tua mama hi.

* Anu zilsahna leh thuhilna bangin, Jakob in anu zilsahna bangin leitung guolzawlina tangdingin apa kungah zuou ava gen hi.

* Sum leh pai deina jiehin nahi louna pi kihisah sin, Zuou genin bangjat vei suoi nakai ta ei.

* Kaam (sepna) dei jiehin , nang min hilou midang minin bangtana sawt nava sem ta ei !.

* Seplou law lah utin namin asem ding mi bangza na sawlta eile? Tambanga law nalahna kum tampi hita ven maw le!.

* Pasion tawh akimaituo hiel ule vang Jakob zong apa maia ‘Esau’ kahi achi hieu toh kibang nonlou hiva “Esau” kichi ngam nonsih ve aw.

* Pasion maia kamin Jakob ahi chin aki phuong suh thop tamaw hi. Pasion in namin Jakob ahi nonsih dinga “Israel” ahita ding chin gangtah a henpieh pai in, guolzawlina zong ape ngal hi.

* Jakob vangpha kasah nakhat a um hi, ashi masang a damlai ngel a Pasion toh aki maituo khah laizang ziehin. Pasion toh kimaituo khate vang, ahina uleh a mizie uh kiheng pai chet mai hi.

* Unau nang Pasion toh kituoh kha na ut sam ei? Bangtan vei Jakob min ponalai ding nahiei? Pasion toh nakituo ding uh hing deisah taluo ing.

Gospel Tangkou May 2021

- * Tangval Saul zong Damaska tunkot ah Jesu (Pasian) toh akituo ah, khumi apatsa “Saul” chia hatin a umnonsia Paul aki chita hi.
- * Shinua chia Pasian toh kituo panbep dingvang ut umlou ahi. A thangpaina thuo ding bep kihita hi. Damsung ngela kituopi te khu a hampa zaw thamtham hi.
- * Isak guolzawlna vang, leitung guolzawlna ahibou a, Pasian guolzawlna ahileh pen, leitung leh vantung lam guolzawlna ahia; kumtawn guolzawlna ahi.
- * Isak guolzawlna tangding abawn, muolphou zong khosalou a; dam le dam, nachi ngam leh, kumtawn hinna leh guolzawlna tang dingin, tu in vang “Kei ding in hinkhu Khrist ahia, shi zong punna ahi,” nachi thei tasamsih ding ama, lawm itte.....

HOME CRUSADE LOCHING TAH IN ZOU

Ni peisa 25th to 29th May, 2021 sung M.Lunmual hausa Upa M.Goukhanlal in atu-atate toh home crusade ana nei uhi.

Tami hun ah Pastor Lamgen Speaker a pang in nasatah in Pasianthu le laa kihilna hun in jang ua, lochingtah in ana jou ta uhi.

Pasian in M.Lunmual hausate inn kuan leh atu-atate aga suang ding in mapui jing ta hen.

MELC sungah koizong Home Crusade bawlnoom te adingin kot hon ahi zinga, abawl nuomte kipahpi ahi. Speaker ding zong Mangpa'n ei hattuom sunga ang pieh zing in Pasian kungah zong kipathu igen ahi. Tambanga Home Crusade bawlzou zing ding in Mangpa'n hing umpi taken.



PATRON MEMBER KIBELAP

Zomi Colony aum **Pa Lianzagou Zou S/o (L)** Pu Thangkhenkhu in MELC Gospel Tangkou a Patron Member a ang pang ziehin Editorial Board in lungdamthu akigen hi. Koizong Patron member a pang nuomte a dinga kot hon ahi zing hi. Patron member fee Rs. 2000/- ahi.

Gospel Tangkou May 2021

LUNGDAM THUGENNA

Moreh Mission Field compound sungah Chawkidar Quarter ding poimaw ahiman in Director of Missions pan lahna toh Emmanuel Church, Moreh MELC LCC leh Mission Board te panlahna in 7th June 2021 ni'n Pastor Thangkhongam, Local Pastor in ahonna nei ta hi. Tam quarter pen Nu Gangga, Chowkidar in aluota hi.



Manipur Evangelical Lutheran Church

THINGKANGPHAI

BIAHINN KAWT HONNA LEH LATNA

- # **Amun** : Thingkangphai MELC
- # **Ani** : 30th May, 2021
- # **Anai** : 08:00 AM
- # **Puitu** : Upa Nengmang
Division Chairman
- # **Biahinn kawt honna leh latna:**
Rt. Rev. Dr. S. K Manlun,
Bishop, MELC
- # **Singboard piekhietna :**
Rev. Nengkhanlal Milun, D/Min.
- # **Report tomkim :**
Rev. Kamminthang, D/Missions
- # **Kipahthu genn:** Local
- # **Tawpna/Guolzawlna:**
Rev. Ngilzakhup, DS Lamka.



Patron Memberte

- | | | |
|--------------------------------|-------------------------------|---------------------------------|
| 1. (L) Upa T. Chinzakhai | 56. (L) Upa Pumzagin | 111. Pu T. Samuel Tualminthang |
| 2. Pi Warlita Manlun | 57. (L) Rev. Khaamthang | 112. Evan. T. Dongzalam |
| 3. Pu M. Khamzaming | 58. Pu T. Lamzagin ASC (Retd) | 113. Upa Paukhosuan |
| 4. (L) Upa T. Gougim | 59. Upa S. Kammang | 114. Pastor Ginsuanthang |
| 5. Upa M. Kaichinkham | 60. Pu L/Nk Mangchinthang | 115. Upa M. Khupkhanhau (Retd) |
| 6. Pastor P. Vungzathang | 61. Pu Pumkhanmang | 116. Pu M. Haukholian |
| 7. Pu P. Chinzakhup | 62. Upa Tunzagin | 117. Pastor Chinlunmang |
| 8. Pi Chinnu (Mrs.Gouzadou) | 63. Pi Zengaihniang | 118. Pu H. Khaikhogin |
| 9. Upa D. Khupsuanpau | 64. Pu Chinsuanlam | 119. Pu T. Chinkhohau |
| 10. (L) Pu Thangkhanlal | 65. Nu Kangnu | 120. Pastor Khupdokhen |
| 11. Upa M. Jangkhhohau | 66. Pu Genkapthang | 121. Pu Khamkhanhau |
| 12. Pu T. Gouzalal | 67. Pu Paul Henkholal | 122. Pi Linsuanchiin |
| 13. Upa Jangkhhogin | 68. Upa Nengkhenthang | 123. Pu Tutzamung |
| 14. (L) Upa M. Khamzathong | 69. (L) Rev. P.K. Khama | 124. Pu Dongzakam |
| 15. Pu H. Thangmang | 70. (L) Pi Nuamneikim | 125. Upa Thangchinhang |
| 16. Pu M. Ginzasuan | 71. Pu Dr. David Vumlallian | 126. Evan. Thangkhanpiang |
| 17. Pu M. Kailam | 72. Upa Ginzalam | 127. Pi Goikhanman |
| 18. (L) Pu T. Soiminthang | 73. Rev.Kamminthang Tungnung | 128. Upa Zamkhosuan |
| 19. Pu S. Suankhothong | 74. Rev. Thangliankham | 129. Pu Jamchinpau Samte |
| 20. Pu S. Tunsuanhang | 75. Rev. Nangkhanlal | 130. Sya Tunzalam |
| 21. (L) Pu Hauchinmang | 76. Sya Dongzapum | 131. Evan. D. Ginpu |
| 22. (L) Dr. Upa Tongkhokai | 77. Dr. N.D. Samte | 132. Pastor Khamkhenthang |
| 23. Pu T. Ginzamang | 78. Pu Sienzathang | 133. Upa Chinsuanpau |
| 24. Pu T. Goupau | 79. Pu Sheshei | 134. Pu P. Tunzamang |
| 25. (L) Dr. Lampu | 80. Rev. S.K. Manlun | 135. Pastor Kamneithang |
| 26. Pu P. Sanjeev | 81. Pu Hauliankap | 136. Mother Nuamzavung |
| 27. Upa P. Kamzadou | 82. Pastornu Niangzadim | 137. Upa Thongzalam |
| 28. Dr. Ginniing | 83. Rev. Ngilzakhup | 138. Pu Kaikhankap |
| 29. Upa Lt. Col.Thongzadou | 84. Pu Hausuanthang | 139. Ex-Sub. Upa Kaichinpaup |
| 30. Pu John Zamkhomang | 85. Upa Khamchinlam | 140. Pu Ex-Hav. Thangzakhup |
| 31. Pu M. Lunkhoneh | 86. (L) Khaiminlian (13 yrs) | 141. Upa S. Suanzakham |
| 32. Pu Kapzaming | 87. Upa H. Khamzaming | 142. P. Chinminthang |
| 33. (L) Pu Hauchinthang | 88. Pu P. Sienzadong | 143. Rev. Retd.S.Nengkhanmang |
| 34. (L) Upa S. Khamzalam | 89. Pi Neikhokim | 144. Pu T. Lianchinlam |
| 35. (L) Upa Sub. Lianchinmang | 90. Pu Hausuanlam | 145. David Kapsuanmung Zou |
| 36. Upa S. Zamzalam | 91. Pu Ginminthang (Gigin) | 146. Nh. Vunghauniang |
| 37. Pu Khamzaton | 92. Pu Khupminthang | 147. Tv. Goumuankhup |
| 38. Pi Nemmang | 93. Nu Lhainei | 148. Khupno Tombing |
| 39. Upa Tuahchinhau | 94. Rev. Kamminthang | 149. Ginshanglian Samte |
| 40. (L) Upa Kaikhohau | 95. Pi Ngailianmoi (Momoi) | 150. Ex.Hav. Khupzathang |
| 41. Dr. Jainson Haokip | 96. Pu Aron T. Muanthang | 151. Nu Muanchig Sangma |
| 42. Pu Kapkhanthang | 97. Pu Thongneipau | 152. Sub. P. Goukhanlian Zou |
| 43. Pi Manpi | 98. Pu Dalkhanthang | 153. Ex-Hav. Sianzakhai Munlou |
| 44. Pu Philip Thanglienmang | 99. Upapu Soikhohau Samte | 154. (L) Upa Thangkhhokam |
| 45. Upa Haukholam | 100. Rev.Retd. Thangkhanmang | 155. Upa Thangkhojam |
| 46. Upa Kaikhanlun | 101. Rev. Nengkhanlal | 156. Pastor Kapkhanhau |
| 47. Pi Lhingneiting (Helhing) | 102. Pastor Lamgen | 157. Pastor Thangkhhongam |
| 48. Pu Thangchinsuan | 103. Pi Cicilia Maman | 158. Upa M. Ginkhankhup |
| 49. Pi Goukhorian | 104. (L) Pastor Kamzathang | 159. Upa T. Pumminlal |
| 50. (L) Pu T. Gouchinthang | 105. Upa T. Nungkhochinpaup | 160. Pa M. Khammuanian Zou |
| 51. Pu M.L. Thanghau Zou | 106. Rev. Dousuanthang | 161. Nh. Momawi Milun |
| 52. Rev. V. Hangminthang | 107. Rev. Hangpi Manlun | 162. Upa M. Hauminthang |
| 53. Rev. Dr. Ginkhanmung Zou | 108. Tv. Hauthang | 163. Pastor Kamsuanlal |
| 54. (L) Ex.Nk. T. Dongminthang | 109. Rev. Thangchinkhup | 164. Ex.Sub.Upa T. Mangkhenmung |
| 55. Pi Neingaihniang | 110. Pastor Kapsuankhup | 165. Pu T. Ginkhothong |
| | | 166. Upa V. Lawmsang |
| | | 167. Pa Sawmkholal |
| | | 168. Pa Lianzagou Zou |

Koipou Patron member a pang utte a dingin ₹. 2000/- pie in a pang the gige hi.

If undelivered, please return to

The Editor, Gospel Tangkou
MELC Office, Hqtr. Zomi Colony
Post Box – 10, Churachandpur - 795 128
Manipur, India,
e-mail : melchqtrs@gmail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo,hattuom khanletna ding)

(RNI Regd. No:62170/95 MNP 76)
BOOK POST

To

.....
.....
.....

*Layout & Typesetting @
MELC Office
Printed @
Thawmsons Color Press,
H. Lamka*